

**MAHINUNG DANONG MGA PAMAHAYAG
ALANG SA 2023 INTERNATIONAL CHINESE-SPEAKING
CONFERENCE**

**Aron maandam ang atong kaugalingon
alang sa pag-anhi sa Ginoo, mahigugma gyod ta ni Ginoong Jesus,
maghimo Niya nga atong kinabuhi, magkinabuhi Niya, ug magpadako Niya,
maghulat sa Iyang pag-anhi, ug mahigugma sa Iyang pagtungha;
kini gyod unta ang gitinguha sa atong kasingkasing
ug ang atong pagkinabuhi.**

**Aron maandam ang atong kaugalingon
alang sa pag-anhi sa Ginoo, magtagad gyod ta
sa pulong sa panagna ingon sa sugang naghayag
sa ngitngit nga dapit hangtod mobanagbanag ang adlaw
ug sekretong mosubang ug motungha sa atong kasingkasing
si Cristo ingon nga bituon sa kabugason.**

**Aron maandam ang atong kaugalingon
alang sa pag-anhi sa Ginoo, pahimuslan gyod nato Siya
nga espirituhanong kalan-on nato aron makapakaon ta sa uban;
mapahimuslan nato Siya kon dawaton nato ang Iyang pulong
pinaagi sa tanang pag-ampo
ug kon mamalandong ta sa Iyang pulong,
nga mao ang pagtilaw ug pagpahimulos nato sa Iyang pulong
inubanan sa daghang pagpamalandong pag-usab.**

**Aron maandam ang atong kaugalingon
alang sa pag-anhi sa Ginoo, kinahanglan nga naa
tay nadasig pag-usab nga pagkinabuhi
nga gibag-o adlaw-adlaw ug nangabudlay
sa pagpangatiman nga dunay mahigugmaon
ug mapasayloong kasingkasing sa atong Dios Amahan
ug maatimanon ug mapangitaong espiritu
sa atong Manluluwas nga Cristo.**

**Mga Talamdan sa Mga Mensahe
alang sa International Chinese-speaking Conference
Pebrero 17-19, 2023**

**LINANGKOB NGA HISGOTANAN:
ANDAMON ANG ATONG KAUGALINGON ALANG SA PAG-ANHI SA GINOO**

Mensahe 1

**Andamon ang Atong Kaugalingon alang sa Pag-anhi sa Ginoo
sa Paghigugma Nato sa Iyang Pagtungha ug Dili Mahigugma
sa Panahon Karon**

Basahong Kasulatan: 2 Tim. 4:8, 10, 18; Rom. 12:2; 1 Juan 2:15; 5:19b; Bug. 17:14; 22:20

I. Kon bililhon alang nato ang ikaduhang pag-anhi sa Ginoo, mahigugma ta sa Iyang pagtungha—2 Tim. 4:8:

- A. Dili mabulag ang paghigugma nato sa pagtungha sa Ginoo ug ang paghigugma nato sa Ginoo mismo—1 Cor. 2:9; 2 Tim. 4:8.
- B. Kon naghulat ta nga moanhi ang Ginoo, kinahanglan mga tawo ta nga nahigugma sa Iyang pagtungha—1 Tes. 1:10; 2 Tim. 4:8.
- C. Pasidaan, pagdasig, ug pampadasig nato ang pagtungha sa Ginoo, ang Iyang pagbalik—vv. 1, 18:
 - 1. Mahigugma gyod unta ta sa pagtungha sa Ginoo ug maikagon ug malipayon gyong maghulat niini—Bug. 22:20.
 - 2. Magkinabuhi gyod ta nga nahigugma sa pagtungha sa Ginoo; tungod niini dili ta mahigawad ug magpabilin hinuong matinumanon hangtod sa kataposan—2 Tim. 4:8; Bug. 17:14.

II. “Ayaw higugmaa ang kalibotan o ang mga butang ba sa kalibotan. Kon dunay nahigugma sa kalibotan, wala kaniya ang gugma alang sa Amahan”—1 Juan 2:15:

- A. Daotang sistema ang kalibotan nga gisistemag pahiluna ni Satanas—vv. 15-17; Sant. 4:4:
 - 1. Gilalang sa Dios ang tawo nga mabuhi sa yuta aron matuman ang Iyang tuyo, apan aron mailog sa Iyang kaaway nga si Satanas ang tawong gilalang sa Dios, nagmugna kinig batok-sa-Dios nga sistema sa kalibotan dinhi sa yuta sa pagsistema niya sa mga tawo gamit ang kultura, edukasyon, industriya, komersyo, kalingawan, ug relihiyon—Efe. 3:11; Gen. 1:26-28; 2:8-9; 4:16-24.
 - 2. Gisistema ni Satanas ngadto sa iyang gingharian sa kangitngit ang tanang butang sa yuta, ilabi na kadtong dunay kalabotan sa tawo, ug ang tanang butang sa kahanginan, aron mookupar sa mga tawo ug moulang nila aron dili sila makahuman sa tuyo sa Dios, ug mopasimang nila sa pagpahimulos sa Dios—1 Juan 2:15-17.
 - 3. Batok sa Dios Amahan ang kalibotan, batok sa kabubut-on sa Dios ang mga butang sa kalibotan, ug mga kaaway sa Dios ang mga nahigugma sa kalibotan—vv. 15-17; Sant. 4:4.
- B. “Naghigda ang tibuok kalibotan,” ang satanasnong sistema, “diha sa daotan”—1 Juan 5:19b:

1. Naglangkob “ang tibuok kalibotan” sa satanasnong sistema sa kalibotan ug sa mga tawo sa kalibotan, sa nahulog nga kaliwat sa tawo.
 2. Nagpasabot ang *naghigda* og nagpabiling walay pagsupak diha sa ginsakpan sa pag-ilog ug pagmaniobra sa daotan; walay pagsupak nga naghigda ang tibuok kalibotan ug ang mga tawo sa kalibotan diha sa nag-ilog ug nagma-niobrang kamot ni Satanas, sa daotan.
 3. Ang Griyegong pulong nga gihubad og “daotan” sa 1 Juan 5:19 nagpasabot nianang makadaot gyod nga pagkadaotan, nianang makaapekto sa uban, makaimpluwensya nila nga mahimong daotan ug salbahis; kanang daotan mao si Satanas, ang yawa, nga gihigdaan sa tibuok kalibotan.
- C. Gigamit ni Satanas ang materyal nga kalibotan ug ang mga butang nga naa sa kalibotan aron sa kaulahian ipasakop ang tanang butang sa gingharian ni Anticristo; nianang taknaa modangat ang sistema sa kalibotan sa labing malamposong panahon niini, ug mapadayag nga kontra-Cristohanon ang tanang bahin niini—2 Tes. 2:3-12.

III. Sukwahi ang paghigugma sa pagtungha sa Ginoo sa paghigugma sa panahon karon—2 Tim. 4:8, 10:

- A. Bahin, seksyon, o aspeto sa sistema sa kalibotan ni Satanas ang panahon, nga gigamit niya sa pag-ilog ug pag-okupar sa mga tawo ug pagpalayo kanila sa Dios ug sa Iyang tuyo—1 Juan 5:19; 2:15.
- B. Sa 2 Timoteo 4:10 nagpasabot ang *panahon karon* sa kalibotan nga naglibot, nagdani, ug nagtintal nato; dili ta makakontak sa kalibotan kon dili ta mokontak sa panahon karon sa kalibotan.
- C. Nahigugma si Demas sa panahon karon; tungod sa pagdani sa panahon karon, gibiyaan niya si apostol Pablo—v. 10.
- D. Gitambagan ta ni Pablo sa Roma 12:2 nga dili magpaumol uyon ning panahona, magpatransporma hinuon ta sa pagpabag-o sa atong salabotan:
 1. Nagpasabot ang *ning panahona* sa versiculo 2 sa kasamtangan, praktikal nga bahin sa kalibotan, nga supak sa kinabuhi sa Lawas ug nipuli sa kinabuhi sa Lawas—vv. 4-5.
 2. Ang magpaumol uyon ning panahona nagpasabot nga mosagop sa moderong mga urog sa panahon karon; ang magpatransporma magpaumol man sa organicong elemento sa atong pagkatawo, ug tungod niana mahitabo ang metabolicong kausaban sa sulod—v. 2; 2 Cor. 3:18.
 3. Kay ang panahon karon supak man sa iglesia, nga kabubut-on sa Dios, dili gyod ta magpaumol uyon niini—Rom. 12:2.
 4. Kon buot tang magkinabuhi diha sa Lawas ni Cristo, dili gyod ta mosunod sa panahon karon o magpaumol ba uyon ning panahona o mopahiuyon ba niini—vv. 4-5.
- E. Kon nahigugma ta sa panahon karon, modapig ta sa kalibotan; kon nahigugma ta sa pagtungha sa Ginoo, modapig ta Niya ug makig-away uban Niya alang sa Iyang mga interes—2 Tim. 4:1-2, 4-8, 10.

IV. Modaog ang mga nahigugma sa Ginoo, naghulat sa Iyang pag-anhi, ug nahigugma sa Iyang pagtungha—1 Cor. 2:9; 2 Tim. 4:8; Bug. 22:20; 17:14:

- A. Ang paghigugma nato sa pagtungha sa Ginoo nagpamatuod nga nahigugma ta Niya ug nagkinabuhi alang Niya karon; busa, nahimo sab kining kondisyon aron makadawat ta sa Iyang ganti—2 Tim. 4:8, 18.
- B. Ang paghigugma nato sa pagtungha sa Ginoo wala nagpasabot nga dili ta

magkinabuhi sa normal nga kinabuhi; labi hinuon tang mahigugma sa Iyang pagtungha, labi sab gyod tang magkinabuhi sa normal nga kinabuhi karon—Mat. 24:40-42; 2 Tes. 1:10; 3:6-12; 1 Tim. 5:8.

- C. Isip mga tawong nahigugma ni Ginoong Jesus, naghimo Niya nga atong kinabuhi, nagkinabuhi Niya, ug nagpadako Niya, maghulat gyod ta sa Iyang pag-anhi ug mahigugma sa Iyang pagtungha; kini gyod unta ang gitinguha sa atong kasingkasing ug ang atong pagkinabuhi isip mga tawong naglaom nga makasulod sa Iyang kalipay, maluwas ngadto sa langitnong gingharian sa Ginoo, ug makadawat sa purongpurong sa pagkamatarong—2 Tim. 4:8, 18.